

SCRIPT OF MORNING GOJRI NEWS BULLETIN 4APRIL 2025 1015HRS

مارنگ گوجری نیوز بولٹن 4 اپریل 2025

یوہ آکاشوانی جموں بے محبوب سلطانی تیں خیر سئو۔

PARLIAMENT WAQF BILL

پارلیمان نے وقف ترمیمی بل ۲ ہزار ۵۲ نانہہ منظور کرلیو ہے لوک سبھا مانہہ منظوری توں بعد اس بل نانہہ راجیہ سبھا مانہہ پیش کیو گیو تھو جس نانہہ اج سرگی ویلے ۸۲۱ ممبراں گی حمایت سنگ منظور کرلیو گیو جد کہ ۵۹ ممبراں تے اس بل گے خلاف ووٹنگ کی ہے واضع رہ جے راجیہ سبھا مانہہ اس بل ور تقریباً ۲۱ گھنٹہ تک بحث ہوئی تھی یو بل وقف گی جائیداد کا بہتر انتظام نانہہ منظم کرن ثقافتی ورثہ کا مقامات گ اتحفظ تے سماجی بہبود کا فرغ توں متعلق اہم دفعات ور مشتمل ہے۔

PM VISIT

وزیر اعظم نریندر مودی اج بینکاک تھائی لینڈ مانہہ بیمسٹیک گا ۶واں اجلاس مانہہ شرکت کریں گا اس اجلاس گو موضوع بیمسٹیک خوشحال مستحکم تے کھلو رکھیو گیو ہے واضع رے جے وزیر اعظم نریندر مودی ۲ تہاڑاں گا دورہ ور پچھلے تہاڑے تھائی لینڈ پُجیا تھابھارت تے تھائی لینڈ نے بکھ بکھ شعباں مانہہ تعاون واسطے ۶ معاہداں ور ستخط کیا ہیں جن مانہہ اطلاعاتی ٹیکنالوجی سمندری امور نکا تے لوکا درجہ گا کاروبار دستکاری ہتھ کڈی شامل ہیں ان معاہدہ ور وزیر اعظم نریندر مودی تے اُن گا تھائی لینڈ ہم منصب پیٹو نگٹارن شین وٹرا بشکار دو طرفہ گل بات توں بعد دستخط کیا گیا بیمسٹیک اجلاس توں بعد وزیر اعظم مودی اج ہی اپنا دو ملکی دورہ گا دوجا مرحلہ واسطے شریلنگا روانہ وین گا۔

CM ORDER

جموں کشمیر حکومت نے بجٹ ۲ ہزار ۶۲.۵۲ مانہہ کیا گیا وعداں نانہہ پورو کرتا مانہہ ریاستی بیاہ گی مدد آلی سکیم گے تحت مالی امداد مانہہ اضافو کردتو ہے ہون مالی طور ور کمزور خاندانتوں تعلق رکھن آلی کالسریاں نانہہ ۰۵ ہزار روپیہ غے بجائے ۵۷ ہزار روپیہ گی مدد دتی جے گی یا مدد سیدھا بینک کھاتہ مانہہ بیاہ توں پہلاں منتقل کی جے گی۔ اس تیں علاوہ قومی سماجی امدادی سکیم تے سماجی تحفظ اسکیم غے تحت دتی جان آلی پنشن مانہہ وی اضافو کیو گیو تانجے بڈھیراں بیواں معزور کواچہ سرا شہریاں نانہہ متی مالی مدد فراہم کی جاسکے۔ حکومت حکم نامہ غے مطابق ۰۶ براں توں کھٹ عمر گا نانہہ ہزار ۲ سو ۰۶.۰۵ توں ۹۷ سال گا عمر آلا نانہہ ۵ سو جد کہ ۰۸ براں توں متی عمر گا نانہہ ۲ ہزار روپیہ مہینہ دیتا جیں غا۔ واضع رہ جے یہ دوئے احکام پہلی اپریل توں لاگو ہو چکا ہیں۔

LG SHIKSHA

لیفٹیننٹ گورنر منوج سنہا نے قومی تعلیمی پالیسی ۲ ہزار ۰۲ غے تحت تعلیم مانہہ اخلاقیات ادار تے قومی شناخت گا کردار نانہہ آجاگر کیو ہے۔ نوی دلی مانہہ منعقدہ بھارت شکشا اجلاس سنگ خطاب کرتا مانہہ ایلجی موصوف نے تعلیمی اداراں ور زور پایو جے وے ایجارات تے اخلاقی اقداد گے بشکار توازن رکھیں تے عملی تے منصوبہ جاتی تعلیم نانہہ فروغ دے۔ انہاں نے جموں کشمیر مانہہ کیا جان آلا تعلیمی بدلاؤ گو وی ذکر کیو جہیزو شمولیتی تعلیم ہند گی ترقی تے نوجواناں نانہہ باختیار بنان ور مرکوز تھو۔ اس دوران انہاں نے اسکولان تے کالجاں مانہہ اک پرامن تے ترقی پسند ماحول نانہہ یقینی بنان ور وی زور پایو۔

TRIBAL AFFAIR MINISTER

قبائلی امور بارے وزیر جاوید احمد رانا نے کہیو ہے جے عمر عبداللہ گی قیادت آلی حکومت جموں کشمیر غا تمام علاقوں گی شمولیتی متوازن تے برابر یقینی واسطے پروعزم ہے انہاں نے اس گل گو اظہار ایس سی ایس ٹی تے او بی سی س مائینداں گا اک وفد سنگ گل بات غے دوران کیو جنہاں نے قبائلی آبادی گی فلاح وبہبود توں متعلق بکھ بکھ مسلاں نانہہ چایو۔ وزیر موصوف نے کیو جے وزیر اعلیٰ نے انتظامیہ نانہہ ہدایت دتی ہے جے قبائلی لوکاں گا تمام مسائل نانہہ ترجیحی بنیاداں ور حل کیو جانو چاہیے۔ انہاں نے ریزوویشن پالیسی

متعلق خدشات نانہہ وی حل کیو تے جناب جاوید رانا گو کہنو تھ وجے ان طبقہ گا آئینی حقوق نانہہ ہر حال مانہہ محفوظ رکھیو جے گو۔

GUJJAR JAAT CONFERENCE

گوجر جاٹ کانفرنس گا صدر ایڈوکیٹ منشی خان چودھری نے مرکزی تے ریاستی سرکار توں مطالبو کیو ہے جے نوشہرہ چھتہ پانی سڑک تیار ہوگئی ہے تے ہون چھتہ پانی ججی تاد تئل گو کم ہنگامی بنیاد ور شروع کیو جانو چاہیے۔ انہاں نے کہیو جے نوشہرہ سرینگر قومی شاہراہ نانہہ وی ملک کی دوجی قومی شاہراہ کی طرح بنانوں چاہیے۔ ان گو مزید کہنو تھو جے سب ضلع نوشہرہ تھانہ منڈی سرنکوٹ سڑک مکمل تیار ہے۔ لیکن چھتہ پانی ججی تاد تئل ور کوئی وی کم نہیں کیو جارہیو ہے۔ جس سنگ سب ضلع نوشہرہ سندربنی کالاکوٹ بدھل تھانہ منڈی سرنکوٹ مینڈر تے ضلع پونچھ گا لوکاں تئل نانہہ ہون گی وجہ توں خاص دقت پیش آرہی ہیں۔ جناب منشیخان چودھری ہوراں گو کہنو تھو جے پیر پنجال سڑک رابطو بند ہونگی وجہ سنگ لگ بھگ چار مہینہ توڑی لداخ گا لوکاں غی طرہ پیر پنجال گالوک وی سرینگر تک رسائی حاصل نہیں کرسکتا۔ ان غو کہنو تھو جد لداخ تے پہاڑی خطو راجوری پونچھ گی ترقی ناگا لینڈ منی پور تری پورا تے اروناچل پردیش کی طرح کیجانی چاہیے۔ اس سلسلہ مانہہ ان گو کہنو تھو جہ ان دویت خطہ مانہہ تمامن لوک شڈیول ٹرائیب طبقہ توں تعلق رکھے تے لہزا دوئے ضلعاں کی سڑکاں واسطے بجٹ مانہہ مخصوص رقم رکھی جانی چاہیے۔

VISTADOME TRAIN

شمالی ریلوے نے کشمیر مانہہ ٹرین سفر کی بدھتی وی مانگ نانہہ پورو کرن واسطے بانہال تے بڈگام بشکار اک خصوصی ٹرین خدمات گو آگا ز کیو ہے۔ یا خدمات ۵ اپریل توں ۳ جون توڑی جمعہ نانہہ چھوڑ غے ہفتہ گے ۶ تہاڑاں تک جاری رے گی۔ یاٹرین سویرے ۸ بج گے ۵۳ منٹاں ور بڈگام توں روانہ وے گی جہیڑی ۰۱ بج گے ۰۴ منتور بانہال پُجے گی واپسی گو سفر ۶ بج غے ۰۴ منٹ ور بانہال توں شروع وے گو تے ۸ بج غے ۰۲ منٹ ور بڈگام پُجے گی۔
